

ISMALIUTISSIISUMMUT**NAQQIUT****Kultureqarnermut Ilinniartitaanermut Ilisimatusarnermut Ilageeqarnermullu
ataatsimiititaliamit suliarineqartoq**

Pineqarpoq

**Kulturikkut ingerlatsineq sunngiffimmilu sammisassaqartitsineq pillugit Inatsisartut
peqquussutaata nr. 10-p, 21. maj 2002-meersup allannguutissaatut siunnersuummik
kingusinnerpaamik UPA 2016-imi saqqummiusseqqullugit Naalakkersuisut
peqqueneqarnissaannik Inatsisartut aalajangiiffigisassaattut siunnersuut, taamaaliornikkut
kulturimut immikkut inatsimmik aammalu timersornermut immikkut inatsimmik
suliaqartoqarsinnaaqqullugu.**

(Inatsisartunut ilaasortaq Peter Olsen, Inuit Ataqatigiit)

Isumaliutissiissutip qulaani pineqartup tunniunneqarnerata kingorna Kultureqarnermut Ilinniartitaanermut Ilisimatusarnermut Ilageeqarnermullu ataatsimiititaliamit paasineqarpoq Isumaliutissiissummi ataatsimiititaliap allannguutissatut siunnersuutaani kalaallisut allassimanerani kukkusoqarsimasoq. Allannguutissatut siunnersuut isumaliutissiissutip kalaallisut allassimanerata qupperneq 6-iani allassimavoq.

Ataani takuneqarsinnaapput allaqqaagaq aamma allagaq eqqortoq:

**Isumaliutissiissutip kalaallisut allassimanerani allannguutissatut siunnersuut imatut
allassimagalarpoq:**

”Kulturikkut ingerlatsineq sunngiffimmilu sammisassaqartitsineq pillugit Inatsisartut peqqussutaata nr. 10-p, 21. maj 2002-meersup nutarterneqarneranut atatillugu kultureqarneq pillugu inatsimmik siunnersuuteqarnissaannik peqquneqarnissaannik siunnersuut, tassunga ilanngullugit kultureqarnermut inatsimmut sunngiffimmi sammisassaqartitsineq tamatumunnga tunngassuteqartoq ilanngunneqassasoq kiisali immikkut timersornermut inatsimmik sunngiffimmi sammisassaqartitsineq tamatumunnga tunngassuteqartoq ilanngunneqarluni.”

**Isumaliutissiissutip kalaallisuuani allannguutissatut siunnersuut ima
allassimasussaagaluarpoq:**

”Kulturikkut ingerlatsineq sunngiffimilu sammisassaqartitsineq pillugit Inatsisartut peqqussutaata nr. 10-p, 21. maj 2002-meersup nutarterneqarneranut atatillugu kultureqarneq pillugu immikkut inatsisissatut siunnersuummik, kultureqarnermut tunngasuni sunngiffimmi sammisassaqartitsinermik imaqartumik, kiisalu timersornermut inatsisissatut immikkut siunnersuummik, timersornermut tunngasuni sunngiffimmi sammisassaqartitsinermik imaqartumik, Naalakkersuisut kingusinnerpaamik UPA 16-imi saqqummiusseqqullugit peqquneqarnissaannik Inatsisartut aalajangiiffigisassaattut siunnersuut.”